

Hattak Moma Iholisso

Ishtaa-aya Ammo'na Holisso

Hattakat yaakni' áyya'shakat momakat ittillawwi biyyi'ka. Naalhpisa'at hattak momakat immi'. Alhinchikma hattak momakat ishtayoppa'ni.

Hookya nannalhpisa' ihingbittooka ittimilat taha. Himmaka hattakat aa-áyya'shahookano ilaapo' nanna anokfillikakoot nannikchokmoho anokfillihootokoot yammako yahmichi bannahoot áyya'sha.

Nannalhpisa' ihingbittookookano kaniya'chi ki'yo. Immoot mahqa'chi hattakat áyya'sha aalhlhika.

Nannalhpisa' ihingbittooka immoot mahqahookya hattakat ikayoppa'chokmat ibaachaffa ikbannokmat ilaapo' nanna aanokfillikakoot yahmichi bannahoot áyya'sha.

Hattak momakat nannaka ittibaachaffa biyyi'kakma chokma'ni. Hattak yaakni' áyya'shakat nannalhpisa'a naapiisa' alhihaat momakat ittibaachaffa biyyi'kakma nanna momakat alhpi'sa biyyi'ka'ni.

Yaakni' hattak áyya'shakat momakat nannaka yahmi bannahoot áyya'shakat holisso holissochi: Chihoowaat hattak ikbikat ittiflawwi biyyi'kaho Chihoowaat naalhpisa' ikbittooka yammako hattakat kanihmihoot áyya'sha bannakat yammohmihoot áyya'sha'chi.

Hattak yaakni' áyya'shakat momakat yammookano ittibaachaffahookmaka'chi nannakat alhpi'sa biyyi'ka'chika.

Hattak momakat ithqnahookmaka'chi.

Himmaka' nittak áyya'shakat

General Assembly

Nanna momaka nannaka ithqnacha ittibaachaffahookmakoot nannaka alhíncha'chikat holisso ikbi.

AnompaKanihmo'si1

Himmaka' nittakookano hattak yokasht toksalicha'nikat ki'yo. Hattak momakat ittillawwi biyyi'kacha nanna momaka ittibaachaffa'hitok.

AnompaKanihmo'si2

Hattakat pisa ittimilayyokhacha kaniyaho aamintihookya momakat ittillawwi biyyi'ka.

Hattakat yaakni' kaniya'o aamintihookya ittillawwi biyyi'ka.

AnompaKanihmo'si3

Hattakat hattak yoka'shcha aba'nikat imalhpi'sa ki'yo. Hattakat holiitopa biyyi'ka.

AnompaKanihmo'si4

Hattak yoka'at ikshoka'ni.

AnompaKanihmo'si5

Hattakat hattakaakaynika kalakshichit nanna impállammicha'nikat iksho nanna kanihmi ki'yoka.

AnompaKanihmo'si6

Hattakat momakat hattak biyyi'ka.

AnompaKanihmo'si7

Hattak naapiisa' alhihaat hattak momaka ittillawwicha'nikat imalhpi'sa.

AnompaKanihmo'si8

Hattakat nannikchokmoho hattak iyahmohmikma naapiisa' alhihaakoot hattak yamma apila'chi.

AnompaKanihmo'si9

Hattakat nanna kanihmi ki'yoka yokacha' ki'yo kanahoot nanna onhochika.

AnompaKanihmo'si10

Yokashtokookma court ishtayyana inapisa'akoot inapisa'chi nannakat alhpi'sa biyyi'ka'chiho.

AnompaKanihmo'si11

Kanahaat nanna ikchokmoho ymmohmi imahoobakmat naapiisa' alhihaakoot nannakat alhpi'sa biyyi'kaho inapisa'chi, anompa loma' nannakya ikshoho.

Nannakat ikchokmoho ishyammqhtok ki'yokya naapiisa' alhihaat nannalhpisa'a ilónchikma falammisht anompa achonhochi

banna'nihookya yahma' ki'yo, naalhpisa'at ikshokishtokootoko.

AnompaKanihmo'si12

Nanna ishkanihtok ki'yohootoko kanahaat nanna chiikanihcha' ki'yo.

AnompaKanihmo'si13

Kaniya'o aya chibannakmat ishiyya'hi biyyi'ka. Kaniya'o anta chibannakmat ishanta'hi biyyi'ka.

Yaakni' kaniya'ookya ishiyya'hi biyyi'ka. Aatokmat falamat ishaa-attatokma aya chibannakmat ishiyya'hi biyyi'ka.

AnompaKanihmo'si14

Kaniya'o ishantaka kanahaat ikayoppachokma kaniya'ookya ishiyya'hi biyyi'ka.

Nanna ikchokmoho ishyammohmikmat kaniya'ookya ishiyya' ki'yo.

AnompaKanihmo'si15

Kaniya'o ishaa-attattookookya kaniya'o aya chibannakmat ishiyya'hi biyyi'ka.

Kaniya'o ishaa-attattookmat anta chibannakmat ishanta'hi biyyi'ka.

AnompaKanihmo'si16

Hattakat ihoo twwa'at kaniya'o ittihaalalli bannakmat ittihaalalla'nikat imalhpi'sa.

Ittihaalalli ikbannokmat ittihaalalla' ki'yo kaniya'ookya.

Kanahaat ittihaalallittookat inchokka' chaffaat ayya'shakmano holitto'pa.

AnompaKanihmo'si17

Hattak momakat nannakat imayya'sha biyyi'ka.

Kanahoot imaaisha' ki'yo immi'ootoko.

AnompaKanihmo'si18

Kanahaat nanna aayimmikat ittimilayyokha biyyi'kahookya, nannaho ayoppachi bannakmat ayoppacha'ni.

AnompaKanihmo'si19

Nannaho anokfilli chibannakmat ishanokfilla'ni. Nannaho holissochi chibannakmat ishholissocha'ni. Holisso nannaho ittimanompoli chibannakmat istimanompola'ni.

Anompa Kanihmo'si20

Nannaho ishtittanahaat ayya'ssha ittibaanokfillika ibaafoyyokha chibannakmat ishibaafoyyokha'ni.

Nanna ishtayya'shaka ibaafokha ikchibannokmat ishibaafokha' ki'yo.

AnompaKanihmo'si21

Ittibaachaffahookmat hattak momakat naalhpisa' ikba'ni.

Kanahaat naalhtoka' nannaho malili bannakmat malila'ni.

Hattak momakat kanaho naalhtoka' atookoli bannakmat invoota'chi.

AnompaKanihmo'si22

Kanihmit anta chibannakat ishahanta'ni. Kanaho ishhottopacha' ki'yo.

AnompaKanihmo'si23

Aatoksali' chokmakillaho hattakat aatoksala'ni.

Kaniya'o ishaatoksalikat hattakat toksalikat kanihmi imalhtobahookma ittillawwihoot chimalhtoba'ni.

Ta'osso lawaho ishikbihookmakoot aa-atta ishhayocha'chi.

Uniono ibaafokha chibannakmat ishibaafokha'ni.

AnompaKanihmo'si24

Ishtoksali biyyi'kaka hashi' kanalli kanihmika chimahookmako ishfoha'ni.

AnompaKanihmo'si25

Nanna momaka ishatahlihookmaka'chi — ishimpa'chi; naafokha; ishaa-atta'chi; alikchi' ishimayya'chi — momaka

ishatahlihookmaka'chi. Nannahoot chikanihmihookma kanahmat achipilakmaka'chi.

Chipotaat kaniya'q aamintihoot áyya'shahookya kanahmat apilakmaka'chi. Ishki' mómahq apilakmaka'chi.

AnompaKanihmo'si26

Chipota mómakat holissaapisa' aya'nikat imalhpi'sa, ta'osso nannikimikshohookya. Kana mómakat nanna aaithana' aya bannakmat aya'ni.

Hattakat nanna aaithana' ayakma nannakat alhpi'sahq imanqlikma chokma'ni.

Chipota áyya'shakma ishki' inki' tówwa'akoot holissaapisa' kaniya'q ayachi bannakmat ayacha'ni.

AnompaKanihmo'si27

Kaniya'q nanna ishtáyya'shakma kanahoot ayyacha ibaayahmi bannakmat yahma'ni.

Kanahookya nanna ikbicha kanchi bannakmat kancha'ni, ta'osso isha'chikat.

AnompaKanihmo'si28

Anompa kanihmo'si yappa hattakat haklocha kanihchit anokfilli bannakmat anokfilla'ni. Nannahq kanihmi bannakmat yahma'ni.

AnompaKanihmo'si29

Kana mómakat ittapilakmakilla.

Hattakat naalhpisa' ikbi, hattak apila bannahoot. Naalhpisa' kobaffa' ki'yo.

Anompa kanihmo'si yappat alhkaniya' ki'yo.

AnompaKanihmo'si30

Holisso tobattookq kanahookya ikimalhkaniyyoka'ni.